

რეკომენდაციები საფონდო ბირჟის ტერმინალის შერჩევა-გამოყენებისათვის

თამარ ჩაჩანიძე

ეკონომიკის დოქტორი

საქართველოს ტექნიკური უნივერსიტეტი

0171, საქართველო, თბილისი, კოსტავას 77

tamar_chachanidze@yahoo.com

RECOMMENDATIONS FOR SELECTING AND USING A STOCK EXCHANGE TERMINALS

Tamar Chachanidze

ANNOTATION

Today, the number of brokers in the financial market is huge, which creates a kind of financial management problem and actually amounts to a situation of uncertainty. Consequently, it becomes difficult for investors to make an effective decision to sign a contract with an intermediary. Purposeful use of modern information technologies creates new opportunities for financial management of the stock market. Such technologies provide the stock market with effective decision-making rules to adapt to the changing environment arising from uncertainty. The article discusses an analysis of the characteristics of the most used stock exchange terminals, the rate of their usability, and the risk content. Based on the analysis, a new method and recommendation for terminal selection-use decision-making has been developed.

საკვანძო სიტყვები: საფონდო ბირჟა, ფასიანი ქაღალდები, ინვესტორი, ბროკერი, საინფორმაციო ტექნოლოგიები, საბირჟო ტერმინალი, გადანაცვების მიღება, ალტერნატივა, რანჟირება.

* * * *

საფონდო ბირჟა, როგორც ცნობილია, არის ფასიანი ქაღალდების ანუ ფულადი ურთიერთობების ანგარიშსწორების სისტემა. ფასიანი ქაღალდების ანგარიშსწორების სისტემა აწესრიგებს ფინანსურ მენეჯმენტს: ფულადი საშუალებების დაგროვებას, გადანაწილებას და ინვესტიციას ფასიანი ქაღალდების გაყიდვა-ყიდვის გზით. ასეთი დანიშნულების თანამედროვე სისტემებს უნდა ჰქონდეს კარგად განვითარებული ინფრასტრუქტურა, რათა შეუქმნას პოტენციურ ინვესტორებს ხელსაყრელი გარემო, მოგების მიღების მიზნის მისაღწევად. ამ პროცესის ერთ-ერთი გამორჩეული მონაწილეა - შუამავალი (ბროკერი). ის კლიენტთა დავალებით აწესრიგებს მყიდველსა და გამყიდველს შორის განსაზღვრული სახის საქონელსა და მომსახურებაზე საკრედიტო, კომერციულ, სავალუტო და სადაზღვევო ოპერაციების წარმართვას იურიდიული ფაქტის - ხელშეკრულების (კონტრაქტის) საფუძველზე.

დღეს, ბროკერების რაოდენობა ფინანსურ ბაზარზე უზარმაზარია. სწორედ ეს ქმნის ფინანსური მენეჯმენტის ერთგვარ პრობლემას, რაც გაურკვევლობის სიტუაციას უტოლდება და ართულებს ინვესტორების მხრიდან ამა თუ იმ შუამავალთან ხელშეკრულების გაფორმების ეფექტიანი გადაწყვეტილების მიღების პროცესს. აქედან გამომდინარე, ინვესტორთა დიდი ნაწილი კარგავს დანაზოგს და მოგების შანსს პროფესიონალ მოთამაშეებთან უთანასწორო „ბრძოლაში“.


საბირჟო საინფორმაციო ტექნოლოგიების და კომუნიკაციების, როგორც თანამედროვე ინსტრუმენტების მიზნობრივ გამოყენებას, შეუძლია გარკვეული როლი შეასრულოს აღნიშნული პროცესის მდგრად განვითარებაში [1].

თანამედროვე საინფორმაციო ტექნოლოგიები მოიცავს საფონდო ბირჟის ფინანსური მენეჯმენტის ახალ შესაძლებლობებს და ახალ ინსტრუმენტებს, რომელიც საფონდო ბირჟას კარნახობს გადანაცვების მიღების ეფექტიან ნებსებს გაურკვევლობის სიტუაციაში შექმნილ ცვალებად გარემოსთან ადაპტირებისათვის. მაღალი დონის შუამავალმა უნდა შეძლოს, შეთავაზოს თავის კლიენტს დამატებითი სერვისის სახით, ფართო შესაძლებლობის მქონე სავაჭრო საინფორმაციო ტექნოლოგია. ამ ტექნოლოგიამ უნდა უზრუნველყოს ინვესტორის მონაწილეობის გარეშე ტრანზაქციისა და რეკომენდაციების შესახებ მარტივი „რჩევით“ დაწყებული, ყველა სხვა პროცესის ოპტიმალური მართვა, ინვესტორის სავაჭრო ანგარიშის სრულად ავტომატიზებული ვაჭრობით დამთავრებული.

საინფორმაციო ტექნოლოგიებისა და ფინანსური მენეჯმენტის სიმბიოზს შეუძლია შეცვალოს საფონდო ბაზრების სამყარო, მისი გარემო გახადოს უფრო ხელმისაწვდომი, რაც გამოიწვევს ფინანსური ბაზრების მენეჯმენტის არსებული ტენდენციების მკვეთრ ცვლილებას, საშუამავლო მომსახურების გაუმჯობესებას, განვითარებას და მდგრადობას.

ფასიანი ქაღალდების ბაზრის საინფორმაციო სისტემა (ფქბსს) ერთ მთლიანობაში უნდა მოიცავდეს: ორგანიზაციულ, ტექნიკურ, პროგრამულ და საინფორმაციო ინსტრუმენტების ერთობლიობას, რომელიც ეფექტიანად შეასრულებს მართვისა და გადანაცვების მიღების მხარდაჭერის ფუნქციებს - ნახ.1.

ნახ. 1. ფასიანი ქაღალდების ბაზრის
საინფორმაციო სისტემის სტრუქტურა



ფქბსს - ორგანიზაციულ ინსტრუმენტში მოიაზრება ფინანსური მენეჯმენტის პროცესის საინფორმაციო მხარდაჭერის მონესრიგების საშუალებები. საინფორმაციო მხარდაჭერა ხელს უწყობს შუამავალს, დროულად მიიღოს ბირჟაზე არსებული და ფინანსური მართვის სისტემის ყველა რგოლისთვის საჭირო და სანდო ინფორმაცია.

აქვე გვინდა აღვნიშნოთ, რომ კერძო ინვესტორებისათვის საკმარისია ის ინფორმაცია, რასაც ლეზულობენ საინფორმაციო სააგენტოების მიერ ტელეარხების საშუალებით, ან გაზეთებში დაბეჭდილი ინფორმაციის სახით. რაც შეეხება შუამავლებს, ეს ინფორმაცია მათთვის არ არის საკმარისი. მათთვის საჭიროა სტატისტიკური და ანალიტიკური ინფორმაციის მიწოდება და ამავდროულად, ინფორმაციის სწრაფი მიწოდების თანამედროვე საშუალებები და მეთოდები, რათა ინფორმაცია მიეწოდოს რეალურ დროში. ამის გარეშე, ინფორმაციის დაყოვნებამ შეიძლება დააზარალოს ოპერაციის ჩატარების და გადანყვეტილების მიღების პროცესი, რაც გამოიწვევს საინვესტიციო გარიგების ჩაშლას.

ორგანიზაციულ ინსტრუმენტში ასევე შედის ფინანსური მენეჯმენტის პროცესების კონტროლის ავტომატიზებული სისტემა. ეს საჭიროა იმისათვის, რომ ფასიანი ქაღალდების ბაზრის სისტემა ხასიათდება არამდგრადობით, რაც გამოწვეულია სისტემის გარე გარემოსთან მუდმივი დამოკიდებულებით და შესაბამისი გარდაუვალი პროცესების ცვლილებებით, როგორცაა: ვალუტის გაცვლითი კურსი, საერთაშორისო ვითარება, აქციების ფასების რყევა და ა.შ.

ფქბსს - ორგანიზაციულმა ინსტრუმენტმა უნდა უზრუნველყოს საიმედო კავშირი შიგა საინფორმაციო სისტემის სტრუქტურასა და გარე გარემოს ინფორმაციულ ნაკადს შორის. ამ როლის ეფექტიანად და უმტყუნოდ შესასრულებლად საჭიროა, სისტემის გამართული, თანამედროვე ტექნიკური (კომპიუტერული და ციფრული) და პროგრამული უზრუნველყოფა. ხაზგასმით აღვნიშნავთ, რომ ტექნიკური უზრუნველყოფა არის ინვესტირების ერთ-ერთი

მნიშვნელოვანი კომპონენტი, რომელიც მოიცავს, უპირველეს ყოვლისა, პროგრამულ უზრუნველყოფასაც, რომელიც აუცილებელია საინვესტიციო პორტფელის მოძიების, შეძენისა და საინვესტიციო პორტფელის მდგომარეობის შემდგომი მონიტორინგისთვის.

დღეს, ფასიანი ქაღალდების მთელი ინდუსტრია მიმართულია ამ პროცესის გამარტივებისაკენ. შესაბამისად, ინვესტორებიც ცდილობენ, მუშაობაში გამოიყენონ მათთვის ხელსაყრელი სხვადასხვა ტექნიკური ინსტრუმენტი. კერძოდ, ზოგიერთი ინვესტორი ყიდის და ყიდულობს ფასიან ქაღალდებს თავიანთი შუამავლების ვებსაიტების საშუალებით; ზოგიერთი იყენებს შუამავლების მიერ შექმნილ სპეციალურ ვებ-აპლიკაციებს ან მობილურ აპლიკაციებს. აქვე აღვნიშნავთ, რომ ეს გზა არ არის სრულყოფილი და ეფექტიანი, რადგან შეიცავს უამრავ რისკს და მოსალოდნელ დამაზარალებელ შედეგს. პროფესიონალ ინვესტორებს ჩვენ ვურჩევდით, ვაჭრობისთვის შექმნილი სპეციალური საბირჟო ტერმინალის გამოყენებას.

სტატიის მიზანია, განვიხილოთ შუამავლების მიერ დღეისათვის ყველაზე გამოყენებადი საბირჟო ტერმინალები, გავაკეთოთ მათი მახასიათებელი თვისებების, გამოყენებადობის ხარისხის და რისკის შემცველობის ანალიზი და შევიმუშაოთ გადანყვეტილების მიღების მეთოდი და რეკომენდაციები ტერმინალის შერჩევა-გამოყენებისათვის.

როგორც ზემოთ აღვნიშნეთ, საბირჟო ტერმინალები იყოფა ორ ტიპად. ერთია შუამავლების მიერ დამუშავებული ლოკალური ტერმინალები, მეორე კი უნივერსალური ტერმინალები.

ჩვენ შემთხვევაში განხილვისა და ანალიზის საგნად წარმოდგენილი გვაქვს უნივერსალური ტერმინალები.

პირველ რიგში განვსაზღვროთ ტერმინალების შერჩევის კრიტერიუმები, რომლის საფუძველზეც შეგვიძლია მივიღოთ შერჩევის გადანყვეტილების მიღების რეკომენდაციები და რჩევები.

კრიტერიუმის განსაზღვრის საფუძველად შეიძლება გამოვიყენოთ ტერმინალის ისეთი ძირითადი მახასიათებლები, როგორიცაა:

- 1 ტერმინალის გამოყენების ხელმისაწვდომობა, მოხერხებულობა და სიმარტივე;
- 2 რამდენად შესაძლებელია ინვესტორებისთვის ტერმინალით სხვადასხვა კლასის ინსტრუმენტებით ვაჭრობა;
- 3 რამდენად კომფორტულად და გამჭვირვალედ შეიძლება სავაჭრო ოპერაციის ჩატარება;
- 4 შეძენილი ცალკეული აქტივებისა და მისი მთლიანი პორტფელის მიმდინარე მდგომარეობის მონიტორინგის როგორი შესაძლებლობა გააჩნია;
- 5 მონაცემთა ანალიზის როგორი დონეა შესაძლებელი.

თუმცა, ჩვენ მიერ შემოთავაზებული მეთოდი არ ზღუდავს კრიტერიუმების არჩევას და შესაძლებე-

ლია, გადაწყვეტილების მიღების სასურველი შედეგის დადგომა ნებისმიერი რაოდენობისა და შინაარსის მქონე კრიტერიუმის შემთხვევაში.

დასაწყისში ვახდენთ ტერმინალთა მახასიათებლების (კრიტერიუმების), როგორც ალტერნატივათა სიმრავლის სტრუქტურირებას - რანჟირებას ნყვილშედარების გამოყენებით. ნყვილშედარებას ვახდენთ თითოეული ტერმინალის ყოველი ერთნაირი დასახელების (ალტერნატიული) მახასიათებლებისათვის. ნყვილშედარების შედეგად ვღებულობთ სამ ვარიანტს:

- 1 ალტერნატივათა ტოლძალოვნებას;
- 1 პირველი მახასიათებელი უმჯობესია მეორეზე;
- 2 პირველი მახასიათებელი უარესია მეორეზე.

რანჟირების გამოსახვის სხვადასხვა მეთოდი არსებობს, ჩვენ შემთხვევაში გამოვიყენოთ „სტრიქონთა ჯამის“ მეთოდი, რისთვისაც უნდა ავაგოთ ნყვილშედარებათა ცხრილი თითოეული ტერმინალის ერთინდექსიანი მახასიათებლისათვის. ცხრილში სტრიქონების და სვეტების დასახელება შესაბამისობაში იქნება ერთინდექსიან მახასიათებელთა (ალტერნატივათა) დასახელებასთან და სტრიქონებისა და სვეტების გადაკვეთით მივიღებთ შემდეგ ვარიანტებს:

1. სტრიქონის დასახელების ალტერნატივა უმჯობესია სვეტის დასახელების ალტერნატივაზე;
2. სტრიქონის დასახელების ალტერნატივა უარესია სვეტების დასახელების ალტერნატივაზე;
3. ალტერნატივები ტოლძალოვანია.

ცხრილის შევსების შედეგად აიგება რანჟირების ცხრილი, რაც მოგვცემს საშუალებას, გამოვკვე-

თოთ ყოველი ტერმინალის თითოეული მახასიათებლის უპირატესობა სხვა ტერმინალის მახასიათებლებთან შედარებით, და შემდეგ უკვე გავაკეთოთ არჩევანი, ჩვენს მიერ გამოსაყენებელი ტერმინალის სასარგებლოდ.

მაგალითისათვის ავიღოთ დღეისათვის მეტნაკლებად გამოყენებული შემდეგი ოთხი საბირჟო ტერმინალი: **Metatrader, Fusion, Quik, Transaq** [2]. თუ მოვახდენთ თითოეული ტერმინალის ანალიზს ჩვენთვის მნიშვნელოვანი კრიტერიუმის მიხედვით და შედეგად ავაგებთ ცხრილებს, გავიოლოებთ ტერმინალის არჩევის გადაწყვეტილების მიღებას.

რა მოხება, თუ რანჟირებაში პირველ რანგში აღმოჩნდებოდა ერთდროულად ორი ან რამდენიმე ტერმინალი? ამ შემთხვევაში, გადაწყვეტილების მიმღები პირი - შუამავალი, უპირატესობას მიანიჭებს ტერმინალს მისი მახასიათებელის ხელსაყრელობის გათვალისწინებით.

დასკვნის სახით შეგვიძლია ვთქვათ, რომ თანამედროვე სამყაროში, კომპიუტერული ტექნოლოგიების გამოყენებით შეგვიძლია გავიადვილოთ გადაწყვეტილების მიღება და მაქსიმალურად შევამციროთ რისკები, განსაკუთრებით მაშინ, როცა საქმე ეხება ფინანსურ მხარეს, ვინაიდან სწორედ ფინანსებს და მათ მართვას უკავია განსაკუთრებული ადგილი ჩვენს ცხოვრებაში.

გამოყენებული ლიტერატურა:

1. Eric Frick. Information Technology Essentials Volume 1: Introduction to Information Systems.
2. <https://articles.opexflow.com/software-trading/torgovyj-terminal-dlya-fondovogo-rynka.htm>.